



Otkrivena radionica za izradu piratskih nosača zvuka

Akcija kodnog naziva "Imperijal" Oduzeto skoro 7.000 nosača zvuka i slike

Postupajući prema naredbama Suda BiH i Tužilaštva BiH, pripadnici Državne agencije za istrage i zaštitu (SIPA) jučer su u akciji kodnog naziva "Imperijal" pretresli stambene i poslovne objekte na sedam lokacija na području Unsko-sanskog kantona radi suzbijanja nedozvoljenog korištenja autorskih prava.

Navedene aktivnosti realizirane su u saradnji sa pripadnicima Ministarstva unutrašnjih poslova Uns-

ko-sanskog kantona. Pronađeno je i privremeno oduzeto skoro 7.000 nosača zvuka i slike za koje se sumnja da su piratska izdanja te četiri računarske jedinice, četiri štampača, dva skenera, 11 rezača, 665 odšampanih omota i drugi predmeti koji mogu poslužiti kao dokaz u daljnjem postupku.

Prilikom pretresa jednog stambenog objekta u Cazinu otkrivena je radionica za izradu piratskih nosača zvuka i slike.